



*Odbor za društvene djelatnosti*

Broj: 04-GV-04-1654/21  
Sarajevo, 15.12.2021. godine

**ZAPISNIK O RADU**  
**DEVETE SJEDNICE ODBORA ZA DRUŠTVENE DJELATNOSTI**  
**GRADSKOG VIJEĆA GRADA SARAJEVA**  
**ODRŽANE 15.12.2021. GODINE**

Prisutni:

1. Amra Zulfikarpašić, predsjedavajuća
2. Mirza Memišević, zamjenik predsjedavajuće
3. Bajro Biber, član
4. Alma Jašarević, članica
5. Samir Fazlić, član
6. Alma Čengić, članica
7. Elvedin Korora, član

Sjednici iz Stručne službe Gradskog vijeće Grada Sarajeva prisustvuje:

- Mila Eminović Rizvanović, sekretar Gradskog vijeća

Sjednici prisustvuju:

- Meliha Olovčić, pomoćnica Gradonačelnice za opću upravu i zajedničke poslove
- Elvir Hadžiahmetović, pomoćnik Gradonačelnice za lokalno poslovanje
- Tarik Zečić, ispred Gradske službe za urbano planiranje, investicije, stambene i komunalne poslove
- Nermina Suljević, ispred Gradske službe za lokalnu samoupravu i razvoj grada
- Nedžad Fazlija, ispred Gradske službe za obrazovanje, kulturu, sport i mlade

Predsjedavajuća Odbora je u 11.10 sati otvorila sjednicu, pozdravila prisutne, utvrdila kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu Osme sjednice Odbora za društvene djelatnosti održane 30.11.2021. godine.

Predsjedavajuća Odbora je podsjetila članove da je u prijedlog dnevnog reda naknadno dodana tačka Nacrt Strategije razvoja Grada Sarajeva 2021.-2027., te predložila da se ista razmatra pod tačkom 3. dnevnog reda.

Na prijedlog Predsjedavajuće, jednoglasno je usvojen sljedeći **dnevni red**:

1. Prijedlog Programa rada Gradskog vijeća Grada Sarajeva za 2022. godinu
2. Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2022. godini
3. Nacrt Strategije razvoja Grada Sarajeva 2021.-2027.
4. Tekuća pitanja



## *TAČKA 1.*

### *Prijedlog Programa rada Gradskog vijeća Grada Sarajeva za 2022. godinu*

Samir Fazlić, član Odbora je sugerisao da se u Program rada Gradskog vijeća Grada Sarajeva za 2022. godinu uvrsti razmatranje Informacija o radu i poslovanju JP „Olimpijski bazen Otoka“ d.o.o. Sarajevo, JP „Sarajevo“ d.o.o. i Javne ustanove „Gradski muzeji“ u devetom mjesecu 2022. godine za prvih šest mjeseci 2022. godine.

Mirza Memišević, zamjenik Predsjedavajuće Odbora je sugerisao da se u Oblasti VI. - Gradske finansije, pod tačkom 3. predlagač opredjeli da li se radi o izvještaju ili informaciji.

Nedžad Fazlija, ispred Gradske službe za obrazovanje, kulturu, sport i mlade sugerisao je da se u Oblasti XVII - Druga pitanja od interesa za građane Grada Sarajeva tema pod tačkom 20. Informacija o implementaciji Plana djelovanja za mlade briše, obzirom da je njeno razmatranje planirano pod tačkom 19.

Poslije uvodnog izlaganja i rasprave, na prijedlog Predsjedavajuće, Odbor za društvene djelatnosti jednoglasno je usvojio sljedeće **zaključke**:

Odbor za društvene djelatnosti sugerisao je Gradskom vijeću Grada Sarajeva da razmatra *Program rada Gradskog vijeća Grada Sarajeva za 2022. godinu* kako je predložen, uz uvažavanje sljedećih **sugestija**:

1. Odbor za društvene djelatnosti predlaže da se u Program rada Gradskog vijeća Grada Sarajeva za 2022. godinu uvrsti tema Informacija o radu i poslovanju JP „Olimpijski bazen Otoka“ d.o.o. Sarajevo, JP „Sarajevo“ d.o.o. i Javne ustanove „Gradski muzeji“ razmatra u devetom mjesecu 2022. godine, za poslovanje u prvih šest mjeseci 2022. godine.
2. Odbor za društvene djelatnosti predlaže da se u dijelu Programa rada Gradskog vijeća Grada Sarajeva za 2022. godinu, Oblast VI. - Gradske finansije za temu pod tačkom 3. predlagač opredjeli da li je riječ o izvještaju ili informaciji.
3. Odbor za društvene djelatnosti predlaže da se u Programu rada Gradskog vijeća Grada Sarajeva za 2022. godinu u Oblasti XVII. - Druga pitanja od interesa za građane Grada Sarajeva tačka 20. Informacija o implementaciji Plana djelovanja za mlade briše, obzirom da je njeno razmatranje programirano pod tačkom 19.

## *TAČKA 2.*

### *Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2022. godini*

Uvodno izlaganje i pojašnjenja dao je Nedžad Fazlija, ispred Gradske službe za obrazovanje, kulturu, sport i mlade.

Predsjedavajuća Odbora je predložila da se u Program obilježavanja 6. aprila – Dana Grada Sarajeva za 2022. godinu, uvrsti program Dine Mustafića, predložen 2019. godine.

Mirza Memišević, zamjenik Predsjedavajuće je istakao da Vijećnica ne bi trebala biti zanemarena u obilježavanju Dana Grada Sarajeva, a prijedlog koji je dostavio Dino Mustafić, odnosno održavanje muzičkog spektakla u Narodnom pozorištu trebaju pratiti i finansijska sredstva, odnosno trebamo imati informaciju koliki je iznos potreban za takva muzički spektakl.

Samir Fazlić, član Odbora je istakao da je ranije upoznat sa prijedlogom muzičko scenskog spektakla spektakla, te da Gradonačelnica prilikom donošenja konačne odluke o uvrštavanju navedenog u Program obilježavanja 06. aprila Dana Grada Sarajeva ima u vidu dvije stvari, i to značaj manifestacije i adekvatno planiranje sredstava u budžetu Grada Sarajeva.

Elvedin Korora, član Odbora je napustio sjednicu u 11.50 sati, zbog ranije preuzetih obaveza.

Poslije uvodnog izlaganja i rasprave, na prijedlog Predsjedavajuće, Odbor za društvene djelatnosti jednoglasno je usvojio sljedeće **zaključke**:

1. Odbor za društvene djelatnosti sugeriše Gradskom vijeću Grada Sarajeva da razmatra Odluku o davanju saglasnosti na Program obilježavanja 6. aprila - Dana Grada Sarajeva u 2022. godini kako je predložena, uz sugestiju Predlagaču da se razmotri mogućnost organiziranja prigodnog muzičko scenskog spektakla u Narodnom pozorištu Sarajevo podvodom obilježavanja 6. aprila Dana Grada Sarajeva prema programu Dine Mustafića, koji je bio predložen za obilježavanje Dana Grada Sarajeva u 2019. godini, s tim da se prije donošenja konačnog stava razmotre finansijske i druge mogućnosti Grada Sarajeva, uključujući i važeće epidemiološke mjere za realizaciju istog.
2. Odbor za društvene djelatnosti sugeriše rukovodstvu Grada Sarajeva da se razmotri i mogućnost povećanja budžetske stavke namjenjene za obilježavanje Dana Grada Sarajeva na način da podrži navedeni muzičko scenski spektakl u Narodnom pozorištu, te da se sukladno tome navedeni iznos planira u Prijedlogu Budžeta Grada Sarajeva za 2022. godinu.

Alma Jašarević, članica Odbora je napustila sjednicu u 12.00 sati zbog ranije preuzetih obaveza.

### **TAČKA 3.**

#### *Nacrt Strategije razvoja Grada Sarajeva 2021.-2027.*

Uvodno izlaganje je dao Elvir Hadžiahmetović, pomoćnik Gradonačelnice

Poslije uvodnog izlaganja, na prijedlog Predsjedavajuće, Odbor za društvene djelatnosti jednoglasno je usvojio sljedeći **zaključak**:

Odbor za društvene djelatnosti sugeriše Gradskom vijeću Grada Sarajeva da razmatra *Nacrt Strategije razvoja Grada Sarajeva 2021.-2027.* kako je predložen i uputi ga u javnu raspravu.

### **TAČKA 4.**

#### *Tekuća pitanja*

Alma Čengić, članica Odbora je izrazila žaljenje radi izostanka javnog dočeka Nove 2022. godine, te je prenijela stav članice Odbora Alme Jašarević, sa kojom se takođe slaže, da protivljenje ovakoj odluci Grada ne dovodi u pitanje humani čin dodjele novca bolesnoj djeci, ali da se pomoć mogla ostvariti iz drugih budžetskih stavki i na drugi način. Istovremeno je istaknula da smatra da odluku o navedenom nije mogao donijeti samo Kolegij Gradskog vijeća, već da se o tome trebalo izjasniti samo Gradsko vijeće.

Diskusiji se pridružila i Predsjedavajuće Odbora Amra Zulfikarpašić koja je naglasila da je izostanak organizacije štetan po mentalno zdravlje stanovnika grada koji su dvije godine bez dočeka Nove godine radi epidemiološke situacije.

Mirza Memišević, zamjenik Predsjedavajuće Odbora je iznio prigovor kako grad nije prigodno okićen za predstojeće novogodišnje prazike.

*PREDSJEDAVALA ODBORA*

*Amra Zulfikarpašić, s.r.*

Predsjedavajuća Odbora je u 12.15 sati zaključila rad Devete sjednice Odbora za društvene djelatnosti Gradskog vijeća Grada Sarajeva.